



1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 40 1 2 3 4 5 6 7 8 9 50

一本堂行餘醫言卷之三


平安 香川修德太沖父著



疝所晏切
音訥 即聚又即瘕 附陰癩 腘腳

疝者。鬱氣之凝滯。而爲痛者也。多在少腹。或上逆而奔突。急痛。或四方走注爲痛。或自脇下升奔。衝心而痛。或下控陰囊爲痛。或引背脊。或牽脇肋。或縮小便。或祕大便。或不得前後。或大便忽漏。忽祕。或爲久泄。或爲久祕。或控引。置丸入腹。則痛不可忍。或腹皮急。或腹筋急。或脉張筋怒。如






有形或腹中雷鳴。裡急非必瀉。或腹中有聲如蛙。或腰痛不可俯仰。或引腿膝不得屈伸。或惡寒發熱甚。則戰慄鼓領。壯熱譫語。至痛之處。則如切如裂。如刺如絞。壯夫號咷。欲絕欲死。或手足厥冷。冷汗如流。或繞脅而痛。或自汗出。或脅上下凝如臂即痃也。或飲食不爲。肌膚羸瘦少氣。或腹滿嘔吐。不得飲食。種種證候。千狀萬態。不可說盡。又有遂成滯患。或歲一二發。或月二三發者。發則脅腹大痛。寒戰壯熱。煩悶大汗。陣陣作止。大憊而醒。若有內虛而發。則終

致不起。而及其淫溢。則成遺精。成久瀉。成腹滿。成虛勞。成癰閉。成燥結。成胃反。其變至多。不可悉述。猶癥之成暴動。成空氣。成瘀液也。

暴動者。欬嗽也。嘔吐也。喘哮也。噦也。

空氣者。噫也。噦也。屁也。欠也。鼓脹也。腸鳴也。

瘀液者。瘀也。酸苦清水涎唾也。瀉也。水脹也。帶下也。蓋癥之凝結也。亦猶瘀之以漸積累空氣一滯。則其隙踴之地位。終難可充實。故俗語云。癥不可根治。唯以調停溫



發使不發爲上策耳。察其所發多因過食或喫生冷硬物。油膩厚味炒炙芳香之物或飲酒大醉或房室過度間由世變人情大怒深憂而發者有之若能節慎可免數發。名亦甚濫略舉于下。

疝。

出素問長刺節論云病在少腹腹痛不得大小便病名曰疝又見大奇論至真要大論五藏生成論等。

疝氣。

出靈樞邪氣藏府病形篇又見神農本草五加皮條又見海藻條甄權。

卒疝。

同上經脉篇云氣逆則睾腫卒疝實則挺長虛則暴癢。又見素問繆刺論外臺祕要所引集驗方已下同。

厥疝。

出素問五藏生成論云有積氣在腹中。有厥氣名曰厥。女子同法病源候論云厥逆心痛足寒諸飲食吐不下名曰厥疝。

衝疝。

同上骨空論云此生病從小腹上衝心而痛不得前後爲衝疝。


狐疝。

子涂醫言

疝

三

一
卷之三



出靈樞本藏篇云、腎下則腰尻痛、不可以俛仰爲狐疝、損生癩、此言狐本陰怪獸、故謂陰疝異常證狀爲狐疝也、猶張機言狐惑證也、而至儒門事親、乃云、狐疝其狀如瓦、日則入少腹、行立則出少腹、入囊中、狐則晝出穴而溺夜則入穴而不溺、此疝出入上下往來、正與狐相類也、亦與氣疝大同小異、今人帶鈎鉗是也、此鑿說之最僻者也、蓋就「狐」字致種種憶想杜撰、何足取乎、又醫學綱目云、狐夜伏而晝見、以疝處厥陰之分、即人之陰篡隱奧之所、晝下而夜上、故以「狐疝」名焉、此亦自張之說轉些也、○素問又稱「狐疝風」四時刺逆從論、

心疝

同上、邪氣藏府病形篇云、心疝引臍、小腹鳴、熱病篇云、心疝暴痛、又素問脉要精微論云、心疝少腹當有

形也、又見太奇論、又見肘後方、病源候論云、由陰氣積於內、寒氣不散、上衝於心、故使心痛、謂之心疝也、其痛也、或如錐力所刺、或陰陽而疼、或四肢逆冷、或脣口變青、又外臺秘要所引范注方、稱三十年心疝、

肺疝


出素問大奇論、

肺風疝、脾風疝、心風疝、腎風疝、肝風疝

同上 四時刺逆從論、

疝瘕

出素問平人氣象論云、疝瘕少腹痛、王機真藏論云、脾傳之、腎病名曰疝瘕、少腹冤熱而痛、出白、一名



行館圖書

卷之三

李嘗齋書

曰蠱。神農本艸，稱痴痕者，十餘條，而稱婦人痴痕者，三十條。病源候論云：其病雖有結痕，而虛假可推移，故謂之痴痕。腹內急痛，腰背相引，痛亦引小腹痛，又出甲乙經。

七疝

同上。骨空論云：任脈爲病，男子內結七疝，女子帶下瘕聚。八十一難云：任之爲病，其內苦結，男子爲七疝，女子爲瘕聚，並無名目。至病源候論云：厥疝、癰疝、寒疝、氣疝、盤疝、附疝、狼疝，此名七疝也。厥逆心病、足寒、諸飲食吐不下，名曰厥疝也。腹中氣乍滿心下盡痛，氣積如臂，名曰癰疝也。寒飲食節脇下腹中盡痛，名曰寒疝也。腹中乍滿乍減而痛，名曰氣疝也。腹中痛在脅旁，名曰盤疝也。腹中脇下有積聚，名曰附疝也。小腹與陰相引而痛，大便難，名曰狼疝也。按外臺秘要所引文仲七疝九條云：暴心腹，厥逆不得氣息，痛達背膂，名曰尸疝。今

下堅痛，不可手近，名曰石疝。脇下堅痛，得寒冷食輒劇，名曰寒疝。脇下堅痛，大如手，痛時必見，若不痛不見，名曰盤疝。脇下結痛，女人月事不時，名曰血疝。少腹脹滿，引膀胱急痛，名曰脉疝。此只六種，而闕一種，至張從政引，膀胱急痛，名曰腎疝。又別易名目云：寒疝、水疝、筋疝、血疝、氣疝、狐疝、癰疝，是謂七疝。寒疝，其狀囊冷，結硬如石，陰莖不舉，或控睾丸而痛，水疝，其狀腎囊腫痛，陰汗時出，或囊腫而狀如水晶，或囊痒而燥，出黃水，或少腹中，按之作水聲，寒濕之氣聚於囊中，故水多，令人爲卒疝、筋疝，其狀陰莖腫脹，或潰或膿，或痛而裏急筋縮，或莖中痛，痛極則痒，或挺縱不收，或白物如精，隨溲而下，血疝，其狀如黃瓜，在少腹兩旁，橫骨兩端約中，俗云便癰，氣血流溢，滲入脬囊，留而不去，結成癰腫，氣疝，其狀上連腎區，下及陰囊，或因號哭忿怒，則氣鬱之而脹，怒哭號罷，則氣散者是也。小兒亦有此疾，俗曰偏氣，狐疝，其狀如瓦，卧則入小腹，行立則出小腹，入囊中，狐則晝出穴而漏，夜則入穴而

不瀉此疝出入上下往來正與狐相類也亦與氣疝大同小異今人帶鉤鈴是也癲疝其狀陰囊腫脹如升火不禁固也此說大鑿固不足取且其解筋疝血疝者元非疝證不可惑張之妄談誤認疝證也

牡疝湧疝氣疝

出史記淳于意傳

寒疝

見金匱方論及甲乙經病源候論已下皆同

儒門事親云寒疝亦

名水疝

非也

小兒寒疝

見本艸綱目

梨葉條又棟條云小兒冷疝


飢疝

出病源候論

附方云飢而心痛名曰飢疝

五疝

同上一曰石疝二曰血疝三曰陰疝四曰妬疝五曰氣疝是爲五疝也而范汪所錄華佗太一決疑雙丸方云治八否五疝積聚伏熱留飲往來寒熱而不的顯五疝



之狀

臍下疝。臍疝。大疝。

並見甲乙經。

心腹疝。

見外臺祕要所引古今錄驗。療久寒三十歲心腹疝癰。

瘕積聚。

瘕疝。

見醫宗必讀。

積疝。

見丹溪心法附餘。

勞疝。


見丹臺玉案。

腎疝。肝疝。脾疝。

並見王機微義引脉經。

小腸疝。濕疝。熱疝。

見景岳全書。古今醫統。稱腸疝。○衛生易。簡方云。小腸疝氣偏墜。陰腫。



濕熱疝虛疝。

見明醫指掌圖。

暴疝。

見儒門事親。

橫弦豎弦。

三因方云疝之爲病絞刺擊搏无有定處倉卒之際痛不堪忍世人稱爲橫弦豎弦此即膀胱小腸氣賊風入腹等名義不同證狀則一證治要訣云少腸氣即是疝氣今謂之橫弦豎弦

腎氣。

出仁齋直指。

釣腎氣。


見醫林集要。

腎氣疝實疝。

並見醫學綱目。

七情疝瘀疝。

見醫學入門。



腫疝。

見醫學正傳。

小腸膀胱氣。

此元出神農本艸烏韭條云利小腸膀胱氣又名醫未別錄屋游條亦同其他不多見

詳其疝否後世別稱膀胱氣

本事方儒門事親三因方又證類本艸胡蘆巴條

小腸氣

本事方王機微義又本艸綱目馬鞭草條引纂要奇方云婦人疝痛名小腸氣非也衛生易簡方作小腸氣痛

蟠腸氣木腎偏墜。


見丹溪心法附餘又醫林集要等作盤腸。

盤腸氣。

出萬病回春云腸中走氣作聲或痛者是盤腸氣也腹陰囊手按作響聲痛者是膀胱氣也小腸臍傍一梗升上釣痛者是小腸氣也小腹下注上奔心腹急痛者是腎氣也陰子偏大偏小者是偏墜也陰子難硬大而不痛者是木腎氣也又云偏墜氣又云氣胞木腎水胞偏墜。

腎餘陰腫。

古今醫統云世俗呼爲小腸氣膀胱氣奔豚氣蟠腸氣橫弦豎弦偏墜木腎腎餘陰腫腎餘疝氣見醫學綱目



陰疝。

見外臺秘要所引文仲方云寒疝亦名陰疝。又見肘後準繩云陰疝一名癲疝。○名醫別錄地肢條云女子陰疝。

陰狐疝氣。

金匱方論云陰狐疝氣者偏有大小時時上下。

陰疝癖。

見本艸綱目草芨條引

陳藏器

木疝。

祕方集驗云木疝即木腎。

癲疝。癲瘡疝。


出素問至真要大論云丈夫癲疝婦人小腹痛脉解篇同。痛作脣又稱癲瘡疝。陰陽別論云頤疝小腹控睾而痛也。又靈樞經脈篇同。癲作瘡痛作脣經筋篇云瘡疝腹筋急。

腸瘻。內瘻。瘡瘻。瘻瘻。瘡瘻。陰。

並見靈樞邪氣藏府病形篇。

陰癲。

千金方云癲有四種有腸癲卵脹氣癲水癲醫學入門稱卵癲又



卵癩水癩本
出肘後方

陰瘡氣癩氣

出證治要訣

暴瘡

出名醫別錄海藻條

卒癩

見外臺祕要所引集驗方

雙癩

見千金翼方


癩風

見三因方云癩風之症世謂腎臟風

兒癩

見千金方名醫別錄蜘蛛條云大人小兒癩又外臺秘要所引備急方小兒癩古今錄驗小兒陰癩本艸綱目桃仁條小兒卵癩又杜父魚條陳藏器云小兒差額差額陰核大小也又食鹽條小兒疝氣并臍吊腎氣日華子本出外臺祕要所引劉氏

小兒胎疝



見資生經。

婦人陰癩。

見本艸綱目。鰥鯉條引。千金方及翼方作陰胎。

陰跳狐筋。

並見甲乙經。

內疝。

見養生主論。

聚大聚。盛聚。瘕聚。結聚。氣聚。六聚。瘕大瘕。暴瘕。氣瘕。寒瘕。


伏瘕。固瘕。產瘕。痃。痃氣。結氣。冷痃。

已上皆見癥門。此數者。畢竟疝也。

狐疝。風頸疝。瘻疝。癰疝。氣疝。盤疝。附疝。狼疝。尸疝。石疝。血疝。脉疝。水疝。筋疝。偏氣帶鉤鉗。如疝。卵癩。差頸。偏疝。冷疝。腎臟風腸疝。木腎氣偏墜氣。氣胞水胞。陰腫。肝氣下部氣氣結。


已上皆見上肝氣。見于後下部。氣亦同氣結。見于肘後

方。




大略若是。皆是華人喜多名之所致。而遂反眩惑。以爲聾瞽之說。張從政之論。疝也。全是逞臆偏見。固不足取。且其遺溺。閉癃。陰痿。脬痺。精滑。白淫。皆男子之疝也。血涸。不行月經。腰膝上熱。足蹙。嗌乾。癃閉。少腹有塊。或定或移。前陰突出。後陰痔核。皆女子之疝也。以上諸證。豈疝也哉。若謂因疝爲此諸證。則可也。直謂指此爲疝。則妄矣。又云。但女子不謂之疝。而謂之瘕。此亦不詳讀古書之誤也。素問云。有積氣在腹中。有厥氣。名曰厥疝。女子同法。五藏生神農成論

本艸以下。稱婦人疝瘕者頗多。藁本條。婦人疝瘕獨活條。女子疝瘕。衣魚條。婦人疝瘕。又名醫別錄。乾漆條。云。女子疝瘕。女子固有疝疾。何得有名未用地朕條。云。女子陰疝。女子固有疝疾。何得不謂疝乎。此亦妄矣。且換七疝之目者。亦是杜撰之甚也。其稱筋疝者。即下疳瘡及淋之事也。血疝者。便毒也。此亦豈疝也哉。若謂二證兼疝。則可言也。况張文仲云。臍下結痛。女人月事不時。名曰血疝。見外臺秘要則見從政之解血疝者。全是一已之僻說。而非疝之事。無復可疑也。如李仲梓辨七疝較優於諸氏。



醫宗必讀云。內經所謂任脈爲病。內結七疝。合言疝證之原也。所謂衝疝。狐疝。癩疝。厥疝。瘕疝。瘻疝。分言七疝之狀也。巢氏不能詳考。內經原具。七疝乃強分厥。癓。寒。氣盤附。狼自附于內經之七疝。不亦妄乎。空張嘴與。小腸膀胱。腎了。不相干。專屬肝經受病。竟不知任脉爲七疝之原。亦不知經文自有七疝。散見于各論之中。又添寒水筋血氣。狐癩之七種。此其疵謬。與巢氏未

有以異也。若言疝爲筋病。皆挾肝邪。則可。若言止在厥陰一經。不亦與內經相戾耶。且孰病在下者。引而竭之。不問虛實。既與攻下其禍。有不可勝言者。豈待下後始補。而可回其生乎。瘻與癩同。娛是則分。一證爲二。李仲梓其求而不足。強填之。以合七數。何不加卒。○儒門事親云。疝本肝經。空通勿塞。狀疝有七。疝乎。○前人論者甚多。非靈樞素問。銅人之論。余皆不取。非余好異也。但要窮其原耳。七疝者。何。寒疝。水疝。筋疝。血疝。氣疝。狐疝。癩疝。是謂七疝。俗工不識。因立謬名。或曰膀胱。或曰小腸氣。小兒曰偏氣。立名既謬。併失其實。又云。且夫遺溺。閉癃。陰痿。脬痹。精滑。白淫。皆男子之病也。不可妄歸之。腎冷。血涸。不月。月罷。腰膝上熱。足蹠。嗌乾。癃閉。少腹有塊。或定或移。前陰突出。



卷之三


本草言

後陰痔核皆女子之疝也。但女子不謂之疝而謂之瘕。又云內經曰木鬱則達之、達謂吐也。令條達肝之積本當吐者。然觀其病之上下以順爲貴。仲景所謂上宜吐下宜瀉者此也。

王官堂之論疝也懸空捕風之言。不過以口舌強解耳。若小腸氣是小腸膀胱氣是膀胱則當是腎氣是腎。肝氣是肝。疝氣是疝。何得特云疝氣是肝乎。若以經絡言。則膀胱固足經尚可言矣。小腸是手經。何得謂因經絡並而連及乎。若然則脾膽胃亦經絡相並。何不言疝耶。若以相反言。則大腸三焦肺心亦當相連及。何其說之不通如是耶。且

引趙以德說亦由無定見也。已謂疝專屬任脉而又別立肝氣一目。以欲與小腸氣膀胱氣腎氣相同。益足以見其迷昧矣。

證治準繩云。或問疝病。古方有以爲小腸氣者。有以爲膀胱氣者。唯子和丹溪專主肝經而言。其說不同。何以辨之。曰。小腸氣。小腸之病。膀胱氣。膀胱之病。疝氣。肝經之病。三者自是不二。昔人以小腸膀胱氣爲疝者誤也。小腸氣。俗謂之橫弦。豎弦。達臍走注。少腹攻刺而膀胱氣則在毛際之上。小腹之分作痛。與疝氣之有形如瓜。有聲如蛙。或上於腹。或下於囊者不同也。但小腸膀胱因經絡並於厥陰之經。所以受病連及於肝。則亦下控引。睪左爲痛。然止是二經之病。不可以爲疝也。又曰。任脉是疝病之本源。各經是疝病之支流。又曰。若諸經受



行食醫言

卷之三

邪不與任脈相干，則不名爲疝矣。又曰：戴人既曰用內經靈樞明堂之論，要窮疝病之源，而不以至於任脉生元病之源何也？其餘亦皆此類。殆厭讀矣。

其文冗長，不暇悉錄，詳見證治準繩。

張介賓之論，疝證而駁張朱戴，則較可。但未免醫家之言，故不可盡取耳。

景岳全書云：疝氣病者，凡小腹睾丸爲腫爲痛，止作無時者，皆是也。但疝證不一，又云至若衝疝瘕之屬，亦皆男婦之所同病者，然唯睾丸之病，獨在男子，而他則均當詳察也。又云：今人但言男子之疝，而全不知婦人之病，殊失之矣。又云：疝氣所屬本非一經，如內經云云，此素問言諸經之疝也。又經筋等篇云云，此靈樞言諸經之疝也。自張子和云云，此子和之意，以疝爲筋病，而筋主於肝，故謂疝必厥陰，似亦有理。而實則不然，觀內經

諸論云云，然則小腹前陰之經，則厥陰、少陰、太陰、陽明、少陽、太陽，以至衝任、督脈，皆有所涉。今考銅人經治疝之法，則諸經皆有俞穴。若謂止屬厥陰，則諸皆可廢矣。

而子和亦謂諸穴雖亦治病，然終非受疝之地，此何說

也。自後丹溪遂因子和之言，謂經有七疝，專主肝經，與

腎經絕無相干。再至戴原禮，又因丹溪之說云：疝本屬

厥陰之一經，余嘗見俗說小腸膀胱下部氣者，皆妄言也。嗚呼，此等議論，皆後學逞憚之見，果堪信乎？累足法乎？醫失真傳，類多如此，故非靈。

素鉏人之言，余誠不敢取也。

見證治準繩，醫宗必讀。

王宦堂李中梓並云：往往見人偏患於左丸者，則痛多腫

少，偏於右丸者，則痛少腫多。此亦非必皆然也。

行醫錄

卷之三


才室藏書

按癩即是疝之根也。而兼瘀血爲疝之狀者也。陰囊腫張。或偏或雙。大小不一。或大如茄如梨。又大如蹴鞠。如人頭至大有奇怪可驚者。

京東二條河濱有一丐者。以大筋爲綽號。邦俗通呼陰筋爲筋。即陰首。之陰囊腫脹大如二三歲兒。屈腳覆臥箕踞沙地。袒襖蓋覆。誇言以乞米錢往來。衆人擲錢求觀。丐者乃披開示之。覽者皆駭以爲怪物。又浪華一丐者。陰筋腫大可二人首許。以布囊盛之。苧繩括之。挂其繩於項以行。

不則甚重。不能數步。巡街叫化。此其最大者。聊記以廣見聞。○按外臺祕要所引集驗方古今錄驗並云。陰腫大如斗者是已。

又小兒亦有是疾。生來早有。乃父母之遺患耳。又婦人亦有自中年及老年。小腹下陰股上生若疣者。小者如拳。大者如鞠。時時怒張牽引。膝腹疼痛。恰如男子癩怒張。與疝發痛之狀。又間見。輿夫急脚。類足腨有紫赤色筋脉。如浮絡。如糾繩。隴起縱橫者。是人嘗有苦病痛。至是而後宿



患遂愈


記得有一急步患疝爲其貧忍小痛東西奔走日夜不
懈遂至腸腸紫脈如網聯絡舊疾不發後成金丸於一
條街貫家高枕事安逸脚脇紫絡漸去再苦疝疾小腹
痛甚終至不起

俗間謂即是寸白蟲也那寸白蟲錯下足到皮裏膜外被
追笮緊些不能上下進退不得止而怒張帶血色也不然
此乃瘀血之不凝結乎陰囊而到乎足而不動者也

又有一種俗呼臍脚者其證初發不覺何因而然或一脚
或兩腳脰腫大不痛不痒行步不妨雖不治療終身無害
間有腿種者此亦瘀血惡汁之凝結脚部者而與陰癩同
類不治之疾也王育堂與脚氣同看非也

證治準繩云脚氣兩脚腫滿是爲壅疾南方多見兩足
蹇大與疾偕老者初起當以重劑宣通壅滯或砭惡血
而去其重勢後以藥治


凡已成癩者勿強攻治治亦無益不治亦無甚害如痛甚



用止痛藥。痛止則停藥。勿復根治。李又有陰囊痛大腫。亦遂潰出膿者。此是囊癰。而非癲。醫書以是證。併入陰癰中者。亦非也。

三因方云。夫陰癰屬肝。係宗筋。胃陽明養之。世多不識。謂之外腎。非特名義差錯。亦使內臟不分。其可不慎古。方雖出四證。但曰。腸癰氣癰。水癰。卵脹。殊不別其所因。如腸癰。則因房室過度。元臟虛冷。腸邊督系不收。墜入癰中。上下無定。謂之腸癰。屬不外因。病者久畜憂思。

恐怒兼并。隨臟氣下墜。陰癰腫脹急痛。名曰氣癰。屬內所因。病者久坐冷濕。濕氣下襲。致陰腫脹。名曰水癰。屬外所因。病者勞役無節。及跨馬坐車。致卵核腫脹。或偏有大小。上下無常。名曰卵脹。亦屬不外因。有小兒生來便如此者。乃宿疾也。卵脹。腸癰。皆難治。氣癰。水癰。治之易愈。又寒疝下注。入于癰中。名爲狐疝。亦屬癲病。世人因此並以癲病爲疝。氣不審之甚。婦人陰門挺出。亦稱癲病。名義不分。有如此者。陳言指陰囊直稱癰者誤也。又云。凡癲。




病唯腸癰無問貴賤多有之。有睡卧管系延入肠下者，有墜入囊中者。或遇疲勞及天色變動逼上囊根腫急作痛過於寒疝得暖則下其如卵脹有作熱生膿爲癰潰爛者比比有之。此乃向所謂囊癰而非疝也。非特陳言有是誤諸醫流皆然不足深責也。

按靈樞云腰脊者身之大關節也。肢腔者人之管以趨翔也。莖垂者身中之機陰精之候津液之道也。故飲食不節喜怒不時津液內溢乃下留於罩血道不通日大不休。俛仰不便趨翔不能此病榮然有水不上不下鉢石所取形

不可匿常不得蔽刺節真邪篇此說陰囊所以大之由也蓋爲不得其說強以津液內溜爲解非也。

附字辨病說文云腹痛也字彙云陰病正字通云腎病又字彙正字通康熙字典並引釋名心痛曰疝疝說也氣說訛然上入而痛也俱不盡疝疾狀蓋疝以疼痛壅塞控引繩急爲其首候又上衝心胷下走腿膝出於表入於裏縱橫無方變化無窮固不一義而足矣故諸韻書說皆不得盡世俗以氣積于如山爲解者亦幾乎陋又醫家者流通以



行館醫言

卷之三

李學齋

仙韻呼之甚非也。百年來慣誦弊習。殆至難改。正讀本韻。反誤聽聞。可勝嘆哉。癩與瘡同。謂陰囊腫大爲癩。按素問。靈樞。癩。瘡。通書無別。故字彙。癩。下云。同瘡。瘡。下云。徒回切。音頽。陰病。但稱陰病。未盡癩狀。正字通。反以字彙爲非者。誤也。又作癥。瘡。瘡。正字通。又爲瘡。與瘡。癩。同也。未知是否。又按說文。痳。疝痛。亦非。劉熙釋名云。陰腫。曰。墮氣。下墮也。又曰。疝亦言詫也。詫。詫引。小腹急痛也。據此則墮亦與瘡通。但醫書未見用墮字。

錄補。曾記有保井宗春者。年已七十矣。自壯患疝。久爲滯疾。方其平常無事之日。有人推背。則忽自腹裏發大噫。可驚。再推。再噫。三推。三噫。連續推之。亦無不連續。噫。不唯背已。或肩或腰。或脇或脊。亦莫不皆然。又肘膕腿膝。時偶輕打。則亦間有發。大。噫。若噫。則其人大呼快哉。豁然。此由腹裏常有空氣。隨推打乃發。爲噫耶。抑由疝氣爲推打所動。俄然生空氣。乃以發。噫。耶。推打與噫。同時齊出。間不容髮。奇哉可怪。此亦疝之異證也。故書以示諸子弟。



行餘醫言

卷之三

一本堂藏書


一本堂行餘醫言卷之三畢

一本堂行餘醫言卷之四

平安 香川修德太沖父 著

蟲

夫蟲之生也。未有不皆因淫鬱幽滯而蒸熱也。蓋人之元氣健運強行。無少鬱滯。則蒸熱何因而生。蒸熱不生。則元氣清爽平快。固無病患。而今也元氣纔少。淫鬱幽滯。則蒸熱乃生。蒸熱已生。則諸患隨起。蟲亦生焉。但蟲者。熱之微。亦不生。熱之甚。亦不生。其熱之蒸蒸。而鬱而不通暢。則元




行館醫言

卷之四

一葉堂藏書

氣壅。逼蟲於焉。生生則不堪在內而必出。在胃則吐出。在腸則下出。少者一二條。多者十餘條。甚者至數十條。有頻生而頻出者。有數日而生而出者。有日日生而日日出者。其證多端。不可窮盡。間有內生而不外出者。如此者。其害匪輕。凡稱蟲者。唯蜻蟲最居多。其生也必直出。如小兒每然。蓋小兒元氣猶未十分強壯。故飽食則元氣專奔命於胃中。而腸間元氣微急慢。而鬱滯已鬱滯而蒸熱。則蟲乃直生而下出矣。若水穀速入腸中。腸中充滿。則元氣專奔

命於腸間。而胃中之氣微急慢。而鬱滯已鬱滯而蒸熱。則蟲乃隨生而吐出矣。腸胃上下。蟲之生出。其化機俱同。此止蟲之生出。而其後無何患害。以元氣尋乃健運也。如乳食兒亦然。雖大人亦不異。唯大人則元氣剛強。固無緣生蟲。苟有少鬱滯之人。蟲必生出。止是一生出。而不再出者。乃是一旦之事。而非有病害。若頻生頻出者。由腸胃鬱熱化蟲成熟路也。上出則爲吐。下出則爲下。如此者。不早治。則他證隨起。不可不施治也。若內生而不外出者。患



行館

卷之四

本草書

狀不一。此以元氣急慢太甚，不得發越而驅出也。如此者或腹痛如刺如撞。或胸痛脇痛。或乾嘔。或吐食吐痰。或惡心嘈雜。或吐酸水。或噫醋氣。或頻乾噫。或目眩頭重。或腹鳴雷沸。或背痛腰重。或腿股重痛。或泄。或祕。或放屁惡臭。或腹脹似鼓脹狀。或小腹冤熱。或兩脇脹悶。或背微惡寒。或蒸蒸微熱。或口涌清水。或頻吐唾。或鼻聞異臭。或惡梗飯喫他物。或偏嗜一物。或喫生米茶葉浮炭。或喫燒土。俗所謂土蛇呼。爲葛寇刺傑者。或喫手爪甲。種種證候。不可盡述。又有

奇怪不可名狀。尋常至希。所不見聞之疾。多是蟲證。且此證與癩相爲影響。故世醫呼小兒疾。多爲蟲證者。若非癩。則必是癩。而蟲亦間有之。其證。或蒸蒸微熱。有癩有癩。或多食多飲。或癩。或性急多怒。或腹啼號哭。或食後懶倦。長坐不立。或癩。或目眶赤爛。鼻下赤爛。涎流頤赤爛。或腹脹體瘦。有癩。有蟲。有癩。等是也。若槩謂之蟲證者。非也。須審察詳辨。施設救療之方法。慎勿誤矣。俗稱蟲出者。猶云蟲生所爲也。非謂吐下出也。乃上所謂癩癩蟲三證相似。

行食醫言

卷之四

一本堂書

非必皆是蟲之所爲也。宜謹診候細別治術。靈素論蟲甚疎不足據取。

靈樞云肘後龕以下三四寸熱者腸中有蟲論疾診尺篇

又云脾脉微滑爲蟲毒蛟螭腹熱邪氣藏府病形篇


又云腸中有蟲瘕及蛟螭皆不可取以小鍼心腸痛懷作痛腫聚往來上下行痛有休止腹熱喜渴涎出者是蛟螭也以手聚按而堅持之無令得移以大鍼刺之久持之蟲不動乃出鍼也厥病篇

又云中熱則胃中消穀消穀則蟲上下作腸胃充郭故胃緩胃緩則氣逆五癃津液別篇

又云人之涎下者何氣使然曰飲食者皆入於胃胃中

有熱則蟲動蟲動則胃緩胃緩則廉泉開故涎下口問篇

又云氣爲上膈者食飲入而還出余已知之矣蟲爲下膈下膈者食辟時乃出余未得其意願卒聞之曰喜怒不適食飲不節寒溫不時則寒汁流於腸中流於腸中則蟲寒蟲寒寒則積聚守於下管則腸胃充郭衛氣不營



邪氣居之人食則蟲上食蟲上食則下管虛下管虛則邪氣勝之積聚已留留則癰成癰成則下管約其癰在管內者即而痛深其癰在外者則癰外而痛浮癰上皮熟上膈

篇

素問云胃歎之狀歎而嘔嘔甚則長蟲出歎論


又云短蟲多則夢聚衆長蟲多則夢相擊毀傷脉要精微論

又云歲木不及蟲食甘黃脾土受邪氣交變大論

又云歲土不及復則蟲食甘黃氣客於脾同上

張機始說吐蛻蛻厥

傷寒論云厥陰之爲病消渴氣上撞心心中疼熱饑而不欲食食則吐蛻下之利不止○又云傷寒脉微而厥至七八日膚冷其人躁無暫安時者此爲藏厥非爲蛻厥也蛻厥者其人當吐蛻令病者靜而復時煩此爲藏寒蛻上入膈故煩須臾復止得食而嘔又煩者蛻間食臭出其人當自吐蛻蛻厥者烏梅圓主之○又云病人有寒復發汗胃中冷必吐蛻



名醫別錄見四五條。

名醫別錄乾漆去_蟲、_上蘿蔔菌同覓實殺_蟲棟根_蟲酸櫻東

行根等條同

上

○甲乙經千金方外臺祕要所引雀氏方皆同又外臺祕要所引肘後方集驗方廣濟方必效方

千金方有作蛔者


病源候論已下皆同。

病源候論云：蛦蟲者是九蟲內之一蟲也。長一尺亦有長五六寸。或因府藏虛弱而動。或因食甘肥而動其發

動則腹中痛。發作腫聚去來上下痛有休息亦攻心痛。口喜吐涎及吐清水。貫傷心者則久診其脉。腹中痛。其脉法當沈弱弦。今反脉洪而大。則是蛦蟲也。○千金方云少小有蛦蟲結在腹中數發腹痛微下白汁。吐悶寒熱飲食不生肌皮肉癰黃四肢不相勝舉。

按古專稱三蟲。

神農本艸二十餘條。白芷、理石、長石、粉錫、天門冬、薏苡、仁根、蘿蔔、蕷、鴛鴦尾、青葙子、貫眾、萹蓄、蓬、休、蕷、蕷、吳茱萸根、赭魁、厚朴、雷丸、棟實、桐皮、梓白皮、白僵蠶、蜈蚣、白頭蛇、白僵蠶、麝香等。或曰去、或曰下、或曰殺。




千金醫書

卷之四

或曰名醫別錄數條通艸石長生蘋含香檳
除榔桃花榧實等是也

病源候論云三蟲者長蟲赤蟲曉蟲也爲三蟲猶是九蟲之數也長蟲蛻蟲也長一尺動則吐清水出則心痛貫心則死赤蟲狀如生肉動則腸鳴曉蟲至細微形如菜蟲也居胴腸間多則爲痔極則爲癩因入瘡處以生諸癰疽癬瘻瘍疥癬蟲無所不爲此既是九蟲內之三者而今別立名當以其三種偏發動成病故謂之三蟲也○按外臺祕要引肘後方云三蟲者謂長蟲赤蟲蛻

蟲也乃有九種而曉蟲及寸白人多病之寸白從食牛肉飲白酒所成相連一尺則殺人服藥下之須結裏潰然出盡乃佳若斷者相生未已更宜速除之曉蟲多是小兒患之大人亦有其病令人心痛清朝口吐汁煩燥則是也范汪備急亦稱三虫○余謂蟲之至長莫過於寸白蟲故長蟲應是寸白蟲也蛻蟲固淡紅色雖謂之赤蟲而無不可也觀肘後解三蟲其下云曉蟲及寸白人多病之則赤蟲固不當謂之寸白乃其爲以寸白當長蟲必明



行餘醫言

卷之四


一林堂藏書

矣

名醫別錄始言五蟲而無名目。千金外臺說五藏蟲充之。
名醫別錄蜂子條云大人小兒腹中五蟲從口吐出者。
外臺祕要立五藏蟲門引刪繁療脾勞有白蟲長一寸。
在脾爲病令人好嘔而胃中駭駭二作嘔而不吐出。又
療肺勞熱損生肺蟲形如蠶在肺爲病令人欬逆氣喘。
或謂憂恚氣隔寒熱皆從勞之所生名曰膏肓無心肝腎三證。
千金方云肝勞生長蟲在肝爲病恐畏不安眼中心勞。

熱傷心有長蟲名曰蠶長一尺貫心爲病脾勞熱有白蟲在脾中爲病令人好嘔肺勞熱生蟲在肺爲病腎勞熱四肢腫急蟻蟲狀如菜蟲在腎中爲病。

千金謂勞則生熟熟則生蟲心蟲曰蛔脾蟲寸白腎蟲如寸截絲縷肝蟲如爛杏肺蟲如蠶五蟲皆能殺人惟肺蟲爲急肺蟲居肺葉之内蝕入肺系故成瘵疾咯血聲嘶藥所不到治之爲難有人說道藏中載諸蟲頭皆向下行唯自初一至初五以前頭上行故用藥者多取




月朏以前蓋謂此也

九蟲之稱。肇於巢元方。而後世論蟲證者。皆遵用而不違。遂馴致如張從政蟲論之煩鑿。葛可久勞蟲之怪妄。總由不知要約。漫迷多端而然也。今畧舉而辨駁焉。

病源候論云。九蟲者。一曰伏蟲。長四分。二曰蛻蟲。長一尺三寸。三曰白蟲。長一寸四分。四曰肉蟲。狀如爛杏。五曰肺蟲。狀如蠶。六曰胃蟲。狀如蝦蟆。七曰弱蟲。狀如瓜瓣。八曰赤蟲。狀如生肉。九曰蟯蟲。至細微。形如菜蟲。伏蟲群蟲之

主也。蛻蟲貫心。則殺人。白蟲相生。子孫轉大。長至四五尺。亦能殺人。肉蟲令人煩滿。肺蟲令人欬嗽。胃蟲令人嘔逆。吐喜噦。弱蟲又名膈蟲。令人多唾。赤蟲令人腸鳴。蟯蟲居胴腸。多則爲痔。極則爲癩。因人瘡處。以生諸癰疽。癰瘍癰瘍。疥癬亦齷蟲無所不爲。人亦不必盡有。有亦不必盡多。或偏有。或偏無者。此諸蟲依腸胃之間。若府藏氣實。則不爲害。若虛。則能侵蝕。隨其蟲之動。而能變成諸患也。○外臺祕要所引集驗方。以下皆同。



千金方云論曰人腹中有尸蟲此物與人俱生而爲人
大害尸蟲之形狀似大馬尾或如薄筋依脾而居乃有
頭尾皆長三寸又有九蟲此以下與病源候類婦人常
多其蟲凶惡人之極患也


仁齋直指云經云人身中有八萬尸蟲若無即人身不
成不立尸蟲與人俱生狀如馬尾或如薄筋出則在脾
入則五臟之俞居之然人亦不必盡有有亦不必盡多
也古方論臟腑九蟲多寡有無固未必可必亦當備識其

名目九蟲同上、蛻蟲俗謂之食蟲其他皆由臟腑不實脾胃
俱虛雜食生冷甘肥油膩鹹藏等物節室不時腐敗停
滯所以發動蟲之爲候嘔惡吐涎口出清沫痛有去來
乍作乍止外此又有兒童疳瘡昏睡煩燥鼻爛汁臭齒
齦生瘡下利黑血支集疳論附之其傷寒濕瘡證候蟲
食下部爲狐下唇有瘡蟲食其臟爲惑上唇有瘡活人
總括言之詳矣○古今醫統云經云人身中有八萬屍
蟲若無即人身不成不立此虫蟲與人俱生而生者蓋

亥蟲即食蟲是也。凡人飲食五味具焉，濕熟化焉。此蟲即與飲食之糟粕轉化而有生，故入身中之所必有也。而亦不可絕無也。經曰：八萬亦過矣。○八萬戶蟲說始見病源候論，其稱經者，不知何書疑是佛書，其妄談固不須辨。故徐春甫既云過矣，可以見耳。

儒門事親云：巢氏之行九蟲三疊詳矣。然蟲之變，不可勝窮。要之皆以濕熱為主，不可純歸三氣虛與食生。具巢氏之行九蟲也。曰：伏蛇白肉、肺胃弱赤燒。此下與病源候論同。

唯文字有三疊者，濕匱心匱，疳匱。病源候論有此三少異同耳。三疊者，濕匱心匱，疳匱條耳，而無三疊名。巢氏之論，蟲匱為病之狀，固詳矣。然蟲之變，此數者，天地之間，氣之所至，百蟲爭出，如歟陰所至，為毛化，其應春其蟲毛，其畜犬，其應夏其蟲羽，其畜馬，其應長夏其蟲倮，其應秋其蟲介，其應夏其蟲羽，其畜馬，其應長夏其蟲倮，其臟肝脾，其蟲毛介，其臟心肺，其蟲羽鱗，其臟脾腎，其蟲倮毛，其臟肺肝，其蟲介羽，其臟腎心，其蟲鱗倮地氣制已，勝天氣制勝，已天制色，地制形，色者青黃赤白。




牛醫醫言

卷之四

李學林書

黑形者毛羽倮介鱗其生也胎卵濕化其成也跂行飛走故五氣五味根于中五色五類形于外而有一歲之中互有勝復故厥陰司天毛蟲靜羽蟲育介蟲不成居泉毛蟲育倮蟲耗羽蟲不育少陰司天羽蟲靜介蟲育鱗蟲育羽蟲不成居泉倮蟲育鱗蟲不成少陽司天羽蟲靜毛蟲育倮蟲不成居泉羽蟲育介蟲耗毛蟲不育陽明司天介蟲靜羽蟲育介蟲不成居泉介蟲育毛蟲

耗羽蟲不成太陽司天鱗蟲靜倮蟲育居泉鱗蟲耗倮蟲不成如風勝則倮蟲不滋此之類也皆五行之相剋也唯濕復則鱗見于陸爲濕土相剋水長則反增水鱗雖炎然見于陸則反當死故不同也已上皆信運氣生不足切巢氏言脾胃虛而爲水濕所乘者非也乃脾胃取也乃脾胃大甚熱爲水濕多也以玄珠考之蟲得木之氣乃生得雨之氣乃化以知非厥陰風木之氣不生非太陰濕土之氣不成豈非風木主熱雨澤主濕所致耶玄珠密語全是運氣




行 飲 雜 言

卷之四

一
方 堂 痘 書

之邪說何可信乎以此爲引證即是同類相黨耳且風木固非熟夫不生于少陰少陽之熱而生于風木者抑何耶竟不免強誣耳故五行之中皆有蟲惟金之中其蟲稟冰之中無蟲且諸木有蠹諸果有蠶諸菜有蟲諸菽有蟻五穀有蠶蠐螬蠶麥秆蛾翻粟破蟲出草腐而螢蚊糞積而蛴螬若此者皆木之蟲也烈火之中有鼠爛灰之中有蠅若此者皆火之蟲也土中盤蛇坯中走蚓穴蟻墻蝎田蠅崖蟬若此者皆土之蟲也科蚪孕於古池蛭馬躍於荒湫魚滿江湖蛟龍藏海若此者皆水中之蟲也

昔有冶者碎一破釜將入火爐其鐵斷處竈臼中有一蟲如米中蟲其色正赤此金烹飪不啻千萬不知何以生了不可曉亦金火之氣也惟冰之中未嘗見蟲焉北方雖有冰尾止是食冰非生于冰也乃知木火屬春夏濕土屬季夏水從土化故多蟲金從秋氣冰從冬氣故無蟲焉此欲強成濕熱生蟲水寒不生蟲之說牽強費辨妄作過鑿以不可奈何水中有魚鱉故言水從土化而舉冰從冬氣偏僻邪詖未有誣甚於此者矣若以生物有被麴有麴蟲醬有醬蟲醯有醯蟲飲食停久皆有蟲若以爲動物不



生蟲如戶樞不蠹之類然勤勞之人亦有蟲豈有不動者耶且文籍衣服故不閱不衣而不蠹然非經季夏陰注或暴乾不待冷納于笥中亦不生蟲蠹也或瓮傍地濕鼠婦來朋牆下壤乾狗蚤居中豈均生于濕耶蓋蚤雖不生于濕亦有生于冬熱則蟲生寒則不生理故然也夫蟲之所居必于脾胃深處藥之所過在于中流蟲聞藥氣而避之群者安得取之予之法先令饑甚次以檳榔雷丸爲引予別下蟲藥大下十數行可以搐而空

灝上張子政用此法下蟲數百相距長丈餘若夫瘡久而蟲蛆者以木香檳榔散傳之神良別有墜蛆之藥皆其方中此不具陳也

瑯邪代醉編云世間萬物無不生蟲艸木土之中生蟲至多固其常也至於火中生蟲則火鼠也極南方有之其毛以爲火浣布而火南雞亦食火陰山以北積雪歷世不消其中生蛆其大如瓠北人謂之雪蛆味極甘美張子和著儒門事親書云某民家一鐵鍋底上起一鐵




行館錄

卷之四

李堂齋書

泡鎋破有一紅蟲其走如飛其首至硬是金鐵中亦有蟲也鮮于伯機述北方古寺中鐵鍋聲如牛吼破出紅蟲凡數百枚尤異丹陽人採碑於積石之下得自然圓石如拳破之有一蟲出於中似蠍螬狀蠕蠕能動人不能熟識因棄之後有人語之曰人欲求富貴莫知得石中金蠍畜之則寶貨自至詢其狀則石中蠍螬也五色線○此謂雪中生蛆即是冰中之蟲也欲破張從政之偏迷故併書焉

醫說云蛇蟲九蟲之數人腹中皆有之小兒失乳而哺早或食甜過多胃虛蟲動令人腹痛惡心口吐清水腹上有青筋火煨使君子與食以殼煎湯送下甚妙然世人多於臨臥服之又無日分多不驗唯是於月初四五間五更服之至日午前蟲盡下可以和胃溫平藥一兩日調理之不可多也凡蟲在人腹中月上旬頭向上中旬橫之月下旬頭向下故中下的用藥即不入蟲口所以不驗也牛馬之生子上旬生者行在母前中旬生者並



卷之四


卷之四

本草書

肩而行、下旬生者後隨之、貓之食鼠亦然、上旬食上段、中旬中段、下旬下段、自然之理、物皆由之、而莫知之、醫證沿準繩、景岳全書並舉之、○余家久畜貓、每觀其食鼠、未嘗見一回如是矣、必定食頭而次及下、呼亦妄哉、俞弁續醫說引本事方其後云、又姚寬西溪叢話云、五臟蟲皆上行、唯有肺蟲下行、最難治、用獺爪為末、調藥、於初四初六日治之、此日肺蟲上行也、二說小異、姑兩存之、以備參考。


赤水玄珠云、予在吳下時有同志友吳生、諱震、號九宜

者、博雅君子也、每與予討論、多善、予一日偶談及鼓脹、乃詰予曰、鼓有蟲否乎、予卒不敢應、俛思之、對曰、或有之、當以疑辯對者、蓋以目未見、而書無考也、按許學士本草方云、膝腹四肢悉腫者、爲水、但只腹脹、而四肢不甚腫者、爲蠱、註謂蠱即鼓脹也、由是參之、古人曾以蠱鼓同名矣、且蠱以三虫爲首、豈無旨哉、愚謂鼓脹即今云氣虛中滿是也、以其外堅中空、腹皮綑急、有似于鼓故以鼓脹名也、彼蠱證者、中實有物積聚已久、濕熱爲如是、靈樞已云蠭非始子許而學本經方者疎陋何



生蟲理或有之。吳生曰：子質何其敏也！予嘗病鼓三載，腹大如箕，時或脹痛，四肢瘦削。三吳名劑歷嘗不瘳。吳俗以者多用火葵燒至腹，忽響聲如炮，人皆駭然。乃見蟲從腹中炮出，高二三丈。許燒所之天爲昏俄而墜地，細視之皆蛔也。不下千萬數。大者長尺餘，蟲腹中復生小蟲，多者十五六條，或十數條，或五六條。蟲在人腹中，蕃息如此，曷不令人脹哉？區區藥劑，豈易瘳哉？顧蠱以多蟲爲首，于義始見許之。以蠱名鼓者，旨可微矣。惜以多蟲爲首，于義始見許之。以蠱名鼓者，旨可微矣。惜


乎諸書未有言及。予既爲後人立言，幸繹數方以備。後之治鼓疾者，知有此蠱字義也。予聞之恍然如夢始覺，然猶未親見其異也。歲萬曆癸巳，赴督漕理刑吳比部之召，而至淮陰。有王鄉宦者，其子年十六，新娶，後腹脹大。按之有塊，形如稍瓜，四肢瘦削，發熱，晝夜不退。已年半矣。族醫惟以退熱消脹之劑投之，其脹愈大，其熱愈熾。甚且喉中兩耳俱瘡。余診視之，脉滑數，望其唇則紅，其腹即疼，又多嗜肥甘。余思諸：凡腹疼者，唇色淡不嗜



飲食今若此得非蟲乎投以阿魏積塊丸服之果下蟲數十粒者二一紅一黑長尺餘蟲身紅線自首貫尾蟲腹中有蟲大者數條小者亦三四條蟲下則熱漸減脹漸消三下而愈此余所親治者益信前聞之不虛也

古今醫統云治蟲之方固多而用之者不知其法則亦不能下蟲而徒瀉其虛也如丹溪云蟲頭向下之時必須俟其向上法當行於月半之前也若蟲得食則不食藥亦不能下蟲而徒瀉其虛也故雖有方不知其法而

方弗效也凡欲下蟲必先一日不食而使蟲飢次早五更用油煎肉嚼之良久腹內蟲間肉香頭皆向上而欲食方以雞彈煎餅和藥嚼而食之須臾服葱湯或白水少少以助藥力下行不踰時而蟲俱下甚至數升然後以白粥補之隨服補劑調理胃氣斯充而諸疾悉愈又云飲食之入於胃也非濕與熱則不能腐化化則蟲之隨以有其形而與糟粕俱出於大腸者也曆家五月令日腐草化爲螢斯時也濕熱俱盛故腐即化人之飲



仁飲醫言

卷之四


一本堂藏書

食可以類推。今夫飲食濕熱腐化而爲蟲，此固理之可有，而不可多也。惟其不節，恣食厚味，生冷則邪氣偏盛，濕熱太過，是以蟲生。過多則爲害，故有腹痛、食少、嘔吐、清水之病。生而漸至于羸瘠，而危者有矣。

景岳全書云：凡吐蛻者，必因病而吐。蛻非由蛻而致吐也，故不必治其蛻，而但治其所以吐，則蛻自止矣。有因胃火而吐蛻者，以內熱之甚，蛻無所容而出也。但清其火，火清而蛻自靜。有因胃寒而吐蛻者，以內寒之甚，蛻

不能存而出也。但溫其胃，胃煖而蛻自安。有因胃虛無食而吐蛻者，以倉廩空虛，蛻因求食而上出也。此胃氣大虛之候，速宜補胃溫中，以防根本之敗。以上三者，固皆治蛻之法。然蛻有死者，有活者。若吐死蛻，則但治嘔如前可也。若活蛻上出不已，則不得不有以逐之。蓋蛻性畏酸畏苦，但加烏梅爲佐使，則蛻自伏也。若胃實火盛者，可加苦棟根或黃連亦善。

論曰：天地之大德，謂生。蓋天地唯以生生爲心，而羨惡良




行館醫言

卷之四

一本堂題書

毒。非有所擇矣。人亦萬物之一。而其貴其靈。無復比駢。豈萬物之所可伍乎。雖謂有天地而後有人。而非人則無見。知之。存言之。則天地之爲天地者。以有人也。賴人而後知。言天地。則是天地之所以爲天地者。非有人。則不可以言。不可以知。是故莫貴於人。亦莫靈於人。故其中舉一人爲首領。以主天下之政。以天地爲父母。謂之天之子。所謂大君。吾父母之宗子。是也。天固不言。故代之以言。而遂成天地之性。豈非貴而靈乎。故凡山河草木。禽獸蟲魚。皆以爲

俸祿養人。禮註云。人爲保蟲之長者。大非也。月余。人何以蟲名乎。夫蟲者。自禽獸蟲魚。以至跂行喙息之微。皆莫非是。天地氤氳煦煦之造化。其中有雙翼者。二足者。四翅者。鷙者。馴者。山林居者。家畜者。四足者。角者。牙者。鱗者。鬚者。海產者。河產者。介者。殼者。保者。八足者。百足者。六足者。又有鳳鸞。孔雀。麒麟。獮。象。鼈。鼉。龍。又有蛇。鰐。雞。蚤。蟲。蚊。蟣。大小長短。強弱剛柔。飛走潛蟄。游泳屈伸。鳴息蠕動。皆莫不成其性。此乃天地陰陽。元氣交感之狀情。而兩間諸




行館醫言

卷之四

一本堂藏書

蟲所生。如是其大者皆能交接而胎生卵生。莫不蕃息。至細微者。多是化生。而及其已生。則亦皆莫不孽尾而卵生。滋多此所以生生不息之體也。至人腹中生蟲。亦猶如此。即是元氣蒸蒸之所爲。奚有異哉。而人腹中所生。唯蛦蟲爲最多。其次寸白蟲也。蛦蟲爲少。自靈樞至張仲景俱說蛦蟲及神農本艸名醫別錄。始稱三蟲。即是蛦蟲。寸白蟲。蛦蟲也。至巢元方肇說九蟲。此爲泛濫之本。而其所謂蛦蟲。白蟲。蛦蟲。即三蟲也。伏蟲。亦蛦蟲之小者耳。其肺蟲。胃蟲。

蟲肉。蟲弱。蟲赤。蟲希。有之事。乃百年之間。一二見之者。何足以爲法則乎。皆可刪去名目也。又名醫別錄。千金方。外臺祕要。所引刪繁方等。說五藏蟲者。猶是寸白蟲。蛦蟲。爲多。及本事方。既舉如爛杏。如蠶等。說非也。如孫思邈曰。人腹中有蟲。戶與人俱生。既是不可信也。况至如楊士瀛曰。身中有八萬尸蟲。若無。即人身不成不立。則妄誕莫甚焉。雖焚棄此書可也。徐春甫猶且疑焉。唯曰過矣。惜乎不直斥其妄也。如張從政。巖巢氏論諸蟲也。欲誇其詳。反過太




行食醫言

卷之四

一本豐和書

鑿其所立論專據運氣生尅。勝復配當。因司天在泉。舉蟲之成育不成育。及牽扯玄珠密語爲考證。既不知其皆邪說。而煩猥特爲可厭矣。况欲主張濕熟生蟲之說。而謂以風木之熟而生。以濕土之濕而成。金之中蟲寡。冰之中無蟲。水從土化。故多蟲甚矣哉。其愚暗也。夫運氣全足邪說。固不足取也。張也。信之以爲極致。乃是方技者流之陋。何須辨焉。假令運氣之說有之。不生于少陰少陽之熱。而生于風木之熱者。抑何耶。非亦運氣中之偏見乎。草木金石。

固不能離土而存。此雖謂從土化可也。而不是之言。而反謂水從土化。此欲援水寒不生物之說。強作誣言耳。彼所謂土化者。即地氣也。土即地也。固非四者之比。乃地中蒸蒸之氣。生生不息。何物不生化。亦是天之煦煦之氣。貫徹地中。無所不至。離地以上。皆天也。其天間之氣。即地中蒸蒸之氣。天地交感。生生不息。造化之機。如此之極。非張等方伎之眼所能知也。且河海深淵不測之大水。豈底傍土氣之所可勝乎。水中之氣。即天地之化氣。生生不息者。水




行館醫言

卷之四

本草

中之所生。比諸物特爲最夥。^{大者}海鰶其最大之極。長數百丈。六不知幾許圍。^{莊周}妄言之。鯤不可過也。小者。蝦苗。鯉卵。不知一塲之地。幾千萬億矣。有大鱗之屬。細鱗之屬。無鱗之屬。龜鼈之屬。蛤蚌貝殼之屬。決明石礎之屬。烏賊章舉之屬。沙噀海蛇之屬。琵琶鍋蓋之屬。水牛水虎之屬。獐獑豚臍之屬。蟹之屬。蝦之屬。金鯽之屬。銀魚之屬。及龜鼈蛟龍人魚和尚。變怪奇異。不可名狀之物。皆無不生于水之中。故欲誣以此爲土化。豈其理哉。又謂金之中蟲。

寡冰之中無蟲。此不能奈何。水之中多生蟲。故舉冰欲成臆說。捉雲捕風。過鑿妄意。孰甚於此耶。且金中固生蟲。雪裏亦生蛆。雖未親見。而冰中亦當有蟲。天地造化。何物不生蟲。又不問燥濕動靜。皆莫非斯理。而區區以寒熱強辨。竟非正論。嗚呼。天地化化生生。煦煦蒸蒸之氣機。豈亦張從政之所能知乎哉。又自朱震亨以下。楊士瀛。張景岳。并徐春甫。或云蟲頭向上。向下。上行。下行。上半月。下半月。月初四五。五六。日分臨臥等說。皆妄說也。不暇一一辨焉。唯



行餘醫言

卷之四


一本堂藏書

張介賓稍得能知

景岳全書云治蟲之法按丹溪云上半月蟲頭向上易治下半月蟲頭向下難治先以肉汁或糖蜜引蟲頭向上然後用藥此皆法之善者然此惟緩治之法耳然蟲證甚急又安能必待其時乎且以望前望後辨蟲頭亦若渺茫無據惟先用香餌而蟲頭可引豈非望後之治亦自有法又何慮其難治也

又如孫子奎不知因蛻爲腹脹間有此證而以此爲鼓脹

且不知以蠱本與鼓同音代書充之而強就蠱字作種種臆說亦可謂過鑿矣又如濕熱者古今醫家宿習之陋弊沈括難破其說冗長今不贅焉又如張介賓云因病吐蛻非因蛻致吐故不治蛻而治其所以吐則蛻自止者非也每觀因蛻致吐治蛻而吐止者多矣其說不亦戾乎又謂因胃火因胃寒因胃虛及由外蛻活蛻異治者亦近泛濫無要蛻蟲究竟腸胃之鬱蒸使然耳非有他因也若夫區區之強辨皆由不知天地人身氣化之所以然也



又有稱長蟲者。或云蛇。或云寸白。辨別難明。

神農本草經菌生漆去長白頸蛇等條並云殺長○

按素問云胃欬之狀欬而嘔嘔甚則長蟲出欬論又云短


蟲多則夢聚衆長蟲多則夢相擊毀傷脈要精此長蟲已見素問又按巢元方云長蟲蛇蟲也然外臺祕要所引肘後方文似直以長蟲爲寸白未決孰是否短蟲即

蟻蟲也

以其寸寸爲節而白故稱寸白蟲寸即今之曲尺六分餘長者至十

丈餘短者四五尺至一二丈細似麪線又有大如指廣薄如厚紙者又謂寸白至一尺則殺人者亦非也詳見下

都下有平巖道智者年六十餘一日上廁糞後有如麪線者出已及一尺餘大怪以剔牙杖纏之久而不斷強引斷而止既出廁股間覺冷以爲向之白條猶未盡復上廁以廢筋繩之久之纔出盡乃伸其前後所纏則殆八丈餘此即寸白蟲之自然而下者也其他長五丈六丈者尤予已見十餘人又大宮里菱家清某患腰痛或作



行醫醫言

卷之四

一林嘗齋書

或止只重墜不可言喻予曰此恐疝之生蟲者也耳乃灸十六俞十八俞腰眼上髎數日忽覺裏急上廁下白物一團大如指廣薄如厚綾白而光滑其長不可知腰痛頓愈爾後終成滯患歲或二發或三發數年自愈此亦寸白蟲之大者也

按寸白之名始見名醫別錄

名醫別錄貫衆一寸桑根白皮蘿蔔橘同檳榔殺寸蕪荑逐寸酸橘東行根寸白雷丸一寸白出自不止等條所云是也

稱白蟲者自神農本艸已言之

神農本艸蠶實蔓荆狼牙等條並云去白蟲又名醫別錄連翹衛矛黃石脂辛夷郁李根去白蟲曾青殺白蟲雷丸白等條並云

病源候論云寸白者九蟲內之一蟲也長一寸而色白形小褊因府藏虛弱而能發動或云飲白酒以桑枝貫牛肉炙食并生栗所成又云食生魚後即飲乳酪亦令生之其發動則損人精氣腰脚疼弱又云此蟲生長一



行館醫言

卷之四

李時業書

尺則令人死。又云：白蟲長一寸，相生子孫轉大，長至四五尺，亦能殺人。按千金方作子孫轉多，其母轉大。

千金方有治寸白蟲方，又有治脾勞熱有白蟲在脾中爲病，令人好嘔下蟲方。○按外臺祕要所引千金療寸白蟲化爲水泄出永除方。榧子、檳榔、蕪荑。○今考千金方無此文，又無此方。

外臺祕要寸白蟲方中所引廣濟療白蟲如馬蘭葉大於下部，不盡以刀截斷者，令人漸漸羸瘦。石櫻湯方，醋石榴根、蕪荑。又有肘後方范汪方備急方、救急方、崔氏莫牽牛子。

方並療白蟲方皆入寸白蟲方內，則此白蟲即爲寸白蟲甚明矣。又刪繁方有療白蟲方。

張果醫說云：趙子山字景高，寓居邵武軍天王寺，苦寸白蟲爲擾，醫者戒云：是疾當止酒，而以素所耽嗜飲罷不能。一夕醉於外舍，歸已夜半，口乾咽燥，倉卒無湯飲，適廊廡間有甕水月色下照，瑩然可掬，即酌而飲之，其甘如飴，連盡數酌，乃就寢。迨曉蟲出盈席，覺心腹頓寬，宿疾遂愈。一家皆驚異，驗其所由，蓋寺僕日織草履，浸




紅藤根水也

庚志

又云蔡定夫戰之子康積苦寸白爲孽醫者使之碾檳榔細末取石榴東引根煎湯調服之先炙肥豬肉一大巒寘口中嚥咀其津膏而勿食云此蟲惟月三日以前其頭向上可用藥攻打餘日即頭向下縱有藥皆無益蟲聞肉香啞啖之意故空群爭赴之覺胸中如萬箭攻攢是其候也然後飲前藥蔡悉如其戒不兩刻腹中雷鳴急登廁蟲下如傾盆僕以杖挑撥皆聯綿成串幾長

數丈尚蠕蠕能動舉而拋於溪流宿患頓愈姑廣其傳以濟後人庚志

許叔微本事方云良方療寸白用錫沙、芫荑、檳榔者極佳予宜和中每覺心中多嘈雜意謂飲作又疑是蟲漫依良方所說服翼日下蟲二條一長二尺五寸頭扁濶尾尖銳每寸作一節斑斑如錦紋一條皆寸斷矣千金謂勞則生熟熟則生蟲心蟲曰蛔脾蟲寸白腎蟲如寸截絲縷肝蟲如爛杏肺蟲如蠶五蟲皆能殺人惟肺蟲



行食醫言

卷之四


李時習書

爲急肺蟲居肺葉之內蝕入肺系故成瘵疾咯血聲嘶藥所不到治之爲難有人說道藏中載諸蟲頭皆向下行唯自初一至初五以前頭上行故用藥者多取月朏以前蓋謂是也○仁齋直指以下皆同

江瓘名醫類案云青陽夏戚宗陽家素業醫任江陰訓導有主貞之父患腹脹求其診視乃曰脉洪而大濕熱生蟲之象况飲食如常非水腫蠭脹之證以石榴皮椿樹東行根加檳榔三味各五錢長流水煎空心頓服之

少頃腹作大痛瀉下長蟲一丈許遂愈客坐新聞○治集繩亦引之○
張介賓景岳全書云此蟲長寸許色白其狀如蛆母子相生有獨行者有箇箇相接不斷者故能長至一二丈
蟻蟲者微細之蛆也但不多有耳

神農本草蘿蔔條名醫別錄吳茱萸根白皮條並云按本出史記云臨菑氾里女子薄姬病甚衆醫皆以爲寒熱篤當死不治臣意診其脉曰蟻瘕蟻瘕爲病腹大上膚黃膿循之戚戚然臣意飲以芫花一撮即出蟻可數



升病已三十日如故病曉得之於寒濕寒濕氣竅篤不發化爲蟲臣意所以知寒薄吾病者切其脉循其尺其尺索刺處而毛美奉髮是蟲氣也其色澤者中藏無邪氣及重病倉公傳此曉蟲證也謂瘕者誤矣

病源候論云曉蟲猶是九蟲內之一蟲也形甚小如今之蝎蟲狀亦因府藏虛弱而致發動甚者則能成痔瘻疥癬癩癰疽瘍諸瘡曉蟲是人體虛極重者故爲曉蟲因動作無所不爲也又云三蟲者長蟲赤蟲曉蟲也曉

蟲至細微形如菜蟲也居胴腸間多則爲痔極則爲癩因人瘡處以生諸癥疽癰瘻瘍疥鷦鷯蟲無所不爲或云蟲或云如蝎蟲尤可疑爲不可決信是解也○千金方及外臺祕要所引范汪方肘後方備急葛氏方集驗方張文仲方等皆同又外臺祕要所引肘後論中云曉蟲多是小兒患之大人亦有其病令人心痛清朝口吐汁煩燥則是也又有稱宿蠶者此謂小兒疳疾熟生蛻蟲也非別有異蟲也病源候論以下別立數條者乃亦濫也




病源候論云人有嗜甘味多而動腸胃間諸蟲致令侵食府藏此猶是蠭也凡食五味之物皆入於胃其氣隨其府藏之味而歸之脾與胃爲表裏俱象土其味甘而甘味柔潤於脾胃脾胃潤則氣緩氣緩則蟲動蟲動則侵食成瘡蠭也但蟲因甘而動故名之爲瘡也其初患之狀手足煩疼腰脊無力夜臥煩躁昏昏喜忘嘿嘿眼澁夜夢顛倒飲食無味而失顏色喜睡起即頭眩體重脅脰痠疼其上食五臟則心內懊惱必食咽喉及齒齦至數年方上食口齒生瘡下至肝門傷爛乃久是黑瘡詳見小兒瘡條

皆生瘡出黑血齒色紫黑下食腸胃下利黑血出食肝門生瘡爛開胃氣逆則變嘔噦急者數日便死亦有緩者正沈嘿支節疼重食飲減少而無顏色在內侵食乃至數年方上食口齒生瘡下至肝門傷爛乃久

又云五瘡一是白瘡二是赤瘡三是蛻瘡四是瘡蠭五是黑瘡

詳見小兒瘡條

又云濕瘡病由脾胃虛弱爲水濕所乘腹內蟲動侵食成瘡也多因下利不止或時病後客熱結腹內所爲其




行餘醫言

卷之四

一本

狀不能飲食。忽忽喜睡，綿綿微熱，骨節沈重，齒無色舌上盡白，細瘡如粟。若上唇生瘡，是蟲食下部。則肛門爛開，甚者府藏皆被食齒下，上齦悉生瘡，齒色紫黑，利血而濕，由水氣也。脾與胃合，俱象土。胃爲水穀之海，脾氣磨而消之。水穀之精化爲血氣，以養府藏。若脾胃和，則土氣強盛，水濕不能侵之。脾胃虛弱，則土氣衰微，或受於冷，乍傷於熱，使水穀不消化，糟粕不實，則成下利。翻爲水濕所傷，若

時病之後，腸胃虛熱，皆令三尸九蟲內虛動作，侵食五藏，上出唇口，下至肛門。胃虛氣逆，則變嘔噦。蟲食府藏，傷敗利出瘀血。如此者死。其因脾胃虛微，土氣衰弱，爲水濕所侵，蟲動成蠭，故名濕蠭也。又云有天行之濕，初得，不覺行坐，不發。恒少氣力，或微利，或不利。病成則變嘔吐，即是蟲內食於藏。又云有急結濕，先因腹痛，下利膿血相兼，出病成翻。大小便不通，頭項滿痛，小腹急滿，起坐不安，亦內食五藏。凡如此雖初證未發於外，而



行簡醫書


卷之四

李宣耆書

心腹亦常煩懊。至於臨困，唇口及肛門方復生瘡即死也。又云：心蜃者，由藏虛，諸蟲在腸胃間，因虛而動，攻食心謂之心蜃。初不覺他病，忽忽嗜睡，四肢沈重。此蜃或食心，則心煩悶懊痛，後乃侵食餘處。診其脉沈而細，手足冷，內濕蜃在心也。

千金方云：凡得傷寒，及天行熱病，腹中有熱，又人食少，腸胃空虛，三蟲行作求食，蝕人五臟及下部。若齒斷無色，舌上盡白，甚者唇裏有瘡，四肢沈重，忽忽喜眠，當數

看其上唇內，有瘡咬血，唇內如粟瘡者，心內懊憹痛悶，此蟲在上，蝕其五藏。下唇內生瘡者，其人喜眠。此蟲在下，蝕其下部，人不能知，可服此蝕蟲藥，不爾，蜃蟲殺人。又曰：凡患濕蜃者，多是熱病後，或久下不止，或有客熱結，在腹中，或易水土，溫涼氣著，多生此病。亦有乾蜃，不甚泄痢，而下部瘡癢，不問乾濕，久則殺人。凡濕得冷而苦，痢單煮黃連，及艾葉苦參之屬，皆可用之。若病人齒齦無色，舌上白者，或喜眠，煩憹不知痛癢處，或下痢急



行館醫書

卷之四

一本堂著書


治下部不曉此者但攻其上不以下部爲意下部生蟲皆蟲触其肛門爛テハ見五藏便死燒艾於竹筒熏之

况病源候論千金方以下部爛潰爲蟲之所蝕者誤矣此因有瘀血而下部肌皮爛潰也非蟲之所爲也且其生蟲亦因爛潰生蛆アリ也非因蟲成爛潰也立疳蠶濕蠶乾蠶蠶蟲之名目者以其見不正也况立心蠶之名或謂蟲蝕人府藏者皆可謂暗中摸索終無正見者也又按本艸有稱殺蟲者數條此亦多是蛻蟲之事但不明說故難辨別耳

神農本艸竹葉桃核仁條並云殺小蟲草條殺皮膚馬蟲蓼條去腸中名醫別錄羊蹄條殺曼麌魚條殺諸龍眼蛭蟲蛭蟲大略如是未試的効不知實皆然否

向所舉伏蟲肉蟲弱蟲赤蟲肺蟲胃蟲食蟲蛟螭蝎膏肓心蟲脾蟲腎蟲肝蟲腸蟲一作蟲尸蟲一作蟲三蠶濕蠶乾蠶心蠶蛲痕短蟲等名皆由泛濫之所致母惑而可也又有稱石蛻者

熊宗立醫書大全云秣陵人張景患腹脹面黃醫莫能



行餘醫書

卷之四

一本堂著書

治徐嗣伯曰此石丸爾極難療當得死人枕煮服即往古塚中取枕煮服之得大利并蛻頭堅如石者五升即愈引齊書曰未詳考○按李時珍本艸綱目引陳藏器曰有嫗人患冷滯積年不瘥宋徐嗣伯診之曰此尸疰也當以死人枕煮服之乃愈于是往古塚中取枕枕已一邊腐缺蟲食服之即瘥張景聲十五歲患腹脹面黃衆藥不能治以問嗣伯嗣伯曰此石疣爾極難療當取死人枕煮服之得大疣頭堅如石者五六升病即瘥○按正

字通癰字下引此事則本艸疣字由是誤也疣即莊周所謂懸疣字耳於蛻何干正字通亦作張景本艸所舉聲字尤可疑也


又有稱穀道蟲者

出病源候論濟世全書壽上

世保元同

後世謂之大孔蟲

千金方云治大孔蟲癰又云蠶蟲蝕下部癰穀道中生瘡又云治熱病蛻毒令人喜寐不知痛處面赤如醉下



行針醫言

卷之四


一本堂藏書

利膾血當數視其入下部大小之孔。稜稜然一云搜搜然。赤

則蠭瘡者也。

元出張仲景云。蝕於肛者。雄黃熏之。雖然仲景惟以肛門潰蝕似蟲食。故謂之蝕耳。實非蟲之所為也。但潰爛之後生蟲。故後世醫人誤認其末。遂爲蠭蟲食下部之說也。猶是牙齦腐爛而後蟲自生。非始有蟲腐蝕牙齦也。如狐惑亦然。仲景惟云。蝕於喉爲惑。蝕於陰爲狐。此言咽喉二陰潰爛爲狐惑證耳。名稱甚不是。故吾門不取焉。

金匱方論云。狐惑之爲病。狀如傷寒。默默欲眠。目不得閉。卧起不安。蝕於喉爲惑。蝕於陰爲狐。不欲飲食。惡聞食臭。其面目乍赤乍黑。乍白。蝕於上部則聲喝一作嘎。甘草瀉心湯主之。蝕於下部則咽乾苦。參湯洗之。蝕於肛者。雄黃熏之。此元可見始無蟲字。其非蟲之所為也。蟲字始見病源候論云。夫狐惑二病者。是喉陰之爲病也。初得狀如傷寒。或因傷寒而變成斯病。其狀默默欲眠。目攢。不得卧。卧起不安。蟲食於喉咽爲惑。食於陰肛爲



行館醫言

卷之四

一本堂雜書

狐惡飲食不欲間食臭其人面白目翕赤翕黑翕白食於上部其聲嘔食於下部其咽乾此皆由濕毒氣所爲也又云凡得傷寒時氣熱病腹內有熱又人食少腸胃空虛三蟲行作求食食入五臟及下部癰病之候齒無色舌上盡白甚者唇裏有瘡四支沈重忽忽喜眠如此皆爲蟲食其肛肛亂見五臟即死當數看其上唇內有瘡唾血唇內如粟瘡者則心內懊懨痛此蟲在上食其五臟下唇內生瘡者其人不寤此蟲食下部皆能殺之後

世如盧和云腹內熱腸胃虛蟲行求食上唇有瘡曰惑蟲食其藏下唇有瘡曰狐蟲食其肛丹溪纂要吳崑云狐惑蟲考皆從之者也

酒食蟲


出醫林集要

云男婦酒食蟲

穿心蟲血鼈蟲傳尸蟲積血蟲疾心蟲馬尾細蟲

俱出龔信古今醫鑑

皆是泛濫無要之言吾門所可拒却而戒慎也故畧抄而




亦焉須知所擇而可也。

又有稱蟲咬心痛者。辨在心痛條。

千金方稱蛻心痛。蟲心痛及外臺秘要所引廣濟方延年方。張文仲方等皆同。病源候論稱心蠭亦同。

附字辨

蟲。即羽毛鱗介之總名。或作虫。或作𧈧。並从省。但音異耳。正字通。辨之甚明。康熙字典無甚發明。又爾雅釋蟲云。有足謂之蟲。無足謂之豸。而刑昺疏云。此對文爾散言。則無足亦曰蟲。月令春日其蟲鱗。鄭註云。龍蛇之屬是也。此可以見爲鱗介羽毛之總稱也。蜻蛚。三字音義並同。戶牕切。音回。若蛚。或音爲。或音尤。並非也。蛚說文。作蛚。正字通。按。痼。从广。蓋指疾言。非痼即蛚也。舊註以痼爲腹中長



行醫圖書


卷之四

一本堂藏書

蟲誤此說却迂。即是蛔俗字耳。曉如招切音饒。說文云。腹中短蟲乃向所謂形至細微如菜蟲即蛆也。又蠶正字通乃粟切音匿。蟲食腸病篇海省作匿。非醫書專爲瘧蟲食義。

正字通云虫舊註呼委切音毀古虺字廣韻鱗介總名俗讀持中切非佩觴集有以蛇虫之虫爲蟲豸之蟲其順非有如此者。按說文虫、𧈧蟲分三部虫一名蝮博三寸首大如擘指象其卧形物之微細或行或毛或羸或

介或鱗以虫爲象凡虫之屬皆从虫孫愐許偉切虫蟲之總名从二虫凡虫之屬皆从虫讀若昆古魂切蟲有足謂之蟲無足謂之豸从三虫凡虫之屬皆从蟲眞引切然說文訓辭錯互前後牴牾者非一如虫爲蝮別名象其卧形以上似專釋虫義物之微細以下似兼釋𧈧蟲二義。𧈧蟲二部又有省從虫者如蟲作𧈧蟲作𧈧蟲作𧈧蟲作𧈧蟲作𧈧蟲作𧈧蟲作𧈧蟲之類或全或省音義並同安見蟲之必别于虫蟲之必别于𧈧也此說文




行食醫言

卷之四

一并堂藏書

分部之自相矛盾者也。六書故蟲直中切，蟻動蚊行，翾飛之屬皆从蟲。虺特一物，何以爲蟲類之宗？古書未有以虫爲虺者，而融則以虫爲聲。以斯知虫與虺爲蟲之省文，非有二字也。備考及總要與書故同。蓋蟲爲水陸動物之通稱，象蟠屈之形，三者會族衆意，其或爲虫爲虫，从省以便書也。舊註沿說文諸韻書以虫爲古文，虺讀持中切者爲非。引郭忠恕佩觿集以證之，復引廣韻鱗介總名，又似讀蟲如毀訓，虫爲蟲既指虫爲蟲總

名，則不宜與虺同音。必謂虫爲古，虺字則不當與蟲互訓。不知郭說迂廣，韻說是也。或羽或毛，數語載說文，誤引爲韻會亦非。○康熙字典云：按說文玉篇類篇等書虫、虺、蟲皆分爲三部。虫，吁鬼切；虺，古龜切；蟲，持中切；截然三音，義亦各別。字彙正字通合：蟲、蟲二部併入虫部，雖失古人分部之意，而披覽者易于查考，故姑仍其舊若六書正訛，以爲虫即蟲省，文則大謬也。○今參考二書，正字通爲直快，當從其說。故雖蟲省，作虫可也。




行館醫言

卷之四

又靈樞稱蛟螭。螭竭按爾雅蠶蟠並謂之螭。詳見釋蟲邢昺疏中。

蓋以腹中虬蟲猶樹中蠹故稱螭也。但蛟元蛟龍之蛟非螭之類。或由有虬蟲偶似蛟形者云然耶。尤可疑焉。嘗記余治播州姬路久長里牛鹿家十二郎微惡寒微發熱微欬嗽氣力倦怠差有瘦容太似勞瘵惟脉未數會其親戚患勞瘵而死甚懼傳注避居郭外急請診治余偶遊其地視之使速灸凡數萬壯後用獺肝丸果下蟲其狀虬而長幾二尺有四足目黑如椒目殆如畫工所圖蛟其人驚

異以示之余亦未始見如此異蟲乃烈日暴乾以視衆人病遂日減諸證退而復舊此蟲可謂蛟螭乎聊書以廣異聞云○又按外臺秘要諸蟲心痛條云心腹中痛發作腫聚往來上下痛有休止腹中熱喜涎是虬蟲咬也出甲乙經第一卷中○今考甲乙經作心腹痛發作腫聚件來上下行痛有休止腹中熱渴淡者是螭咬也○千金方云虬心痛心腹中痛發作腫聚往來上下行痛有休止腹中熱善涎是虬咬也據此二書則蛟即咬字之誤耶咬字尤穩當從之爲是也



行餘醫言

卷之四

一本堂藏書

附諸蟲辨

辨應聲蟲

張呆醫說載永州通判廳軍員毛景得奇疾每語喉中必有物作聲相應有道人教令學誦本艸藥名至藍而默然遂取藍換汁而飲之少頃吐出肉塊長二寸餘人形悉具劉襄子思爲永倅景正被疾踰年親見其愈泊宅編又陳正敏遜齋閑覽載楊勔中年得異疾每發言應答腹中有小聲微之數年間其聲寢大有道士見而

驚曰此應聲蟲也久不治延及妻子互讀本艸遇蟲不應者當取服之勔如言讀至雷丸蟲忽無聲乃頓服數粒遂愈正敏其後至長沙遇一丐者亦有此疾環而觀之甚衆因教使服雷丸丐者謝曰某貧無他技所以求衣食於人者唯藉此爾以上皆陳所記予讀唐張鷺朝野僉載云洛州有士人患應聲蟲即喉中應之以問良醫張文仲張經夜思之乃得一法即取本艸令讀之皆應至其所畏者即不言仲乃錄取藥合糲爲丸服之應

行餘醫言


卷之四

一本堂齋書

時而止。乃知古有是事。百衲居士鐵已上張果所記也。後世醫書舉應聲蟲者皆止引之。他書未嘗有言及者。原其始出巢元方舉腹內有人聲候病涼候論云夫有人腹內忽有人聲或學人語而相荅此乃不幸致生災變非關經絡腑臟冷熱虛實所爲也。

駁曰。凡人之腹裏鳴者。每多有之。自雷鳴酒沸蛙聲水音。以至漚漚灌濯之韻響。皆莫非空氣爲元氣所推盪逼迫。上下奔馳。自不得不作鳴聲也。決非蟲之所鳴也。樞平人。

多時不食。饑極而胃中空虛。則鳴聲大聞于外也。每觀瘦人。意應臟腑腸胃。亦共消減。故腹鳴者多矣。嘗記都下有宇野之鳴者。身材清臞。多病自養。常戲告人曰。須聽我腹鳴。乃隨呼吸進退腹皮。則腹裏大鳴。此由臟腑消瘦。有空隙地。而其間之空氣。被推動而作聲也。亦非蟲之所爲也。如胎在腹裏。不能發聲。纔出產戶。直即發聲。如蛻蟲寸白蟲。在腸胃中。亦然絕。未嘗聞有作聲者。以聲自不可出也。若夫稱應聲蟲者。每詰腹中應答。殆如響巖谷神然。尤可



行鍊醫言

卷之四

一林堂藏書

恆焉。假令實有蟲亦當在腹裏不能作應答之聲也必矣。且其治法在讀本艸一則至藍而不應一則至雷丸而不應而謂由蟲畏惡此二物也既見其或畏藍或惡雷丸則意應其畏藍者不始惡雷丸惡雷丸者不始畏藍設使今有一應聲蟲病倘取本艸讀之至藍亦不畏而應至雷丸亦不惡而答則當有盡本艸皆應而不畏惡天地變化每無窮極則雖使有應聲蟲亦應不一樣如此則將用何物以治之耶抑又可以冥搜妄索尋到何書揅出妙藥耶足以

發一笑焉乃知其病其治皆是妄誕而非實也况於其謂吐出肉塊長二寸餘人形悉具者乎妄豈有過于此哉余故斷曰此疾決無之事也而如醫人曾無一人說破其妄此素方技之流亦不足深責也如張鷺蔡條方勺陳正敏輩徒間怪異不正其事之實否漫筆之書使後人致疑惑其過失有更甚於醫人者也亦可以見其無實見正識之所致也

辨誤吞水蛭


行館醫言

卷之四

林堂齋書

張果醫說載吳少師在關外嘗得疾數月間肌肉消瘦。每日飲食下咽少時腹如萬蟲攢攻且痒且痛皆以爲勞瘵也。張銳是時在城都吳遣驛騎招致銳到興元既切脉戒云明日早旦忍飢勿啖一物俟銳來爲之計。旦而往天方剗暑白請選一健卒趨往十里外取行路黃土一銀孟而令廚人旋治麪將午乃得食纔放筋取土遙至於是溫酒一升投土攬其內出藥百粒進於吳飲之覺腸胃掣痛幾不堪忍急登溷銳密使別坎一穴使之

挾吳以行須臾暴下如傾穢惡斗許有馬蝗千餘充轉盤結其半已困歟吳亦憊甚扶憇竹榻上移時方餐粥一器三日而平始言去年正以夏夜出師中塗燥渴命僕兵持馬盂挹澗水甫入口似有物焉未暇吐之則徑入喉矣自此遂得病銳曰蟲入人肝脾裏勢須滋生常日遇食時則聚丹田間吮咂精血飽則散處四肢苟唯知殺之而不能掃盡故無益也銳是以請公枵腹以誘之此蟲喜酒又久不得土味乘飢畢集故一藥能洗空




行館醫譜

卷之四

李嵩書

之耳。吳大喜，厚賂以金帛，送之歸。庚志，又寧國衛承務。者，唯一子，忽得疾，羸瘦如削。醫以爲療疾，治療無益。醫劉大用問其致病之因，曰：嘗以六月飲倡家醉臥卓上，醒渴求水不得。前有菖蒲盆水，清潔，舉而飲之。自是疾作。劉默喜密遣僕掘田間游泥，以水沃灌，取清汁兩盞，置几上，令隨意飲。衛子素厭疾苦，不以穢爲嫌，一飲而盡。俄腸胃間攻轉攬刺，久之始定。續投以室藥百粒，隨即洞泄。下水蛭六十餘條，便覺襟袍豁然。劉曰：此蓋盆


中所誤吞也。蛭入人腹，藉膏血滋養，蕃育種類，每粘着五臟牢不可脫。然久去汙渠，患其所嗜，非以此物致之，不能集也。然延龐別以藥調補，類編，又有人因醉薄暮渴，飲道傍田水，自此忽患胸腹脹滿，遍醫不效。人亦莫識其病。因幹宿客，夜半思水飲，令僕覓之。僕夜捫索，見有缸數隻，疑店主以此貯水，遂取一椀與其主飲。便覺胸次豁然，再索之，忽覺臟腑急於店仄，空地大瀉二行，平明視之，所瀉乃水蛭無數。繼看夜來所飲缸水。



乃主人刈藍作澱者。其病頓愈。方思前時渴飲田水。不覺誤吞水蛭。在腹遂成脹痛之疾。乃蛭爲害。今人耘田爲此蟲所齧。以澱塗之。無不愈也。

駁曰。凡飲食之入人腸胃也。雖有少遲。亦皆莫不腐化。而精粹蒸成血精糟粕下成屎溺。此乃平人之常也。以其元氣健運也。倘今有誤吞水蛭者。已入胃中。則當立死。若中其毒。則或當大瀉。或下血。此其所也。若不速死。則當蠕動腹痛。不堪苦惱。雖然水蛭畏鹽。過于他蟲。而人之飲食。

皆莫不用鹽調和者。則水蛭終當死。其毒發。則或瀉。或下血。亦其當然也。而不如是。曾無痛苦瀉下之異。水蛭徒在腸胃間。蓄息滋長者。決無之事也。設使在腸胃。則當如此。若活腸胃。則當不然。何也。果其元氣健運。則腸胃中之物。無一不腐化者。豈有飲食。則如常腐化。而水蛭。則不腐化。而獨滋生之理乎。此甚易曉之事耳。何不悟耶。蓋腐儒庸醫。不學正學。不知正道理故也。又按神農本艸云。去腸中蛭蟲。馬蓼條。此亦可疑焉。或視寸白蟲誤認爲此爾。恐非實。



行餘醫言

卷之四


一本堂藏書

然即是本艸之不可信據者也。偶有一事，思得余家畜牝貓二十餘年，常臥坐隅，數見其肛門。寸白蟲色白長五分。當華中一寸猶能蠕動而展，則至一寸餘。縮則不過三四分而圓，如小豆許。如人之寸白蟲亦作是狀態。展則長，而細縮則短，而圓觀。夫水蛭亦其衆縮如是無少異。由是乃疑。如彼謂下水蛭數十條者。苟果有之必應是寸白蟲耳。若短寸白蟲，比比有之，或是此爾。聊書以告子弟。

名醫類案載華佗治一人，忽患胸中煩濁，面赤不食。診

之曰：君胃中有蟲，欲成內疽，腥物所為也。即作湯二升，再服須臾。吐出蟲三升許，頭赤而動，半身猶是生魚膾，所苦遂愈。又一婦人忽生蟲一對，於地能行，長寸餘。自後月生一對，醫以苦參加打蟲藥爲丸服之，又生一對，埋於土中，過數月發而視之，暴大如拳。名子母蟲，從此絕根。

又陸顥吳郡人，自幼嗜麪食，食愈多而質愈瘦，胡人以藥吐一蟲，長二寸許，色青，狀如蛙，此名消麪蟲，實天下



行館醫言

卷之四

李堂齋書

之奇寶也。其說甚異，不具述。說淵。

又一人患腦痛，爲蟲所食。或教以桃葉枕。一夕蟲自鼻出，形如鷹嘴，莫能識其名。遜齋閑覽。

又從政郎陳樸，富沙人。母高氏，年六十餘，得飢疾。每作時，如蟲齧心，即急索食食罷，乃解。如是三四年。畜一猫，極愛之。常置於傍。一日命取處脯，自嚼而啖。猫至於再，覺一物上觸喉，閉引手摸得之，如拇指大，墜於地頭尖。匱類，搊沙魚身，如蝦殼長八寸，漸大，侔兩指，其中盈實。

剖之，腸肚亦與魚同。有八子胎生，蠕蠕如小鰓。人莫識其爲何物。蓋聞肺香而出。高氏疾即愈。類編。

又休寧西山金舉人嘗語人曰：予嘗病小腹甚痛，百藥不應。一醫爲灸，關元十餘壯。次日，薈中淫淫而痒，視之如蟲出，四五分，急用鐵鉗扯出，果長五六寸，連者蟲出如此者七。痛不復作。初甚驚恐，後則視以爲常，皆用手扯此，亦偶中也。仲景云：火力雖微，內功有力。蟲爲火力所逼，勢不能容，故從溺孔出也。其人善飲，胃內膀胱不

行館醫言

卷之四

李堂齋書

無濕熱遇有留血瘀濁則附形蒸鬱爲蟲矣

又汪石山治一婦每臨經時腰腹脹痛玉石淫淫蟲出如鼠粘子狀綠色者數十枚後經水隨至即令以酒煮黃連爲君白木香附爲臣研末粥丸空腹吞之月餘經

至無蟲且姪矣

虞搏治婦人陰蝕瘡陰戶中有細蟲其痒不可當食入臟腑即死令人發寒熱醫學正傳

謝肇淪曰蟲有應聲者在人腹中有聲輒應有消麪者

食麪數斗立盡有銷魚者安數斗膾中鱠即成水亦能銷人腹塊有畏酒者元載聞酒氣即醉醫於其鼻尖挑一青蟲謂爲酒魔從此能飲有名怪哉者寃氣所結得酒則消有名鞠通者喜食枯桐尤嗜古墨耳聾人置耳邊立効有名脉望者蠹魚三食神仙字所化有名度古者能食蚯蚓而溫會江州死嗜漁人背者大如黃葉眼遍其上一眼一針竟不識其何蟲也五雜俎駁曰如華佗治蟲蓋妄談耳何者吐出蟲二升許其蟲半

行餘醫言

卷之四

李堂君書

身猶是生魚膾。比其腸胃中爲何等冷塲邪。嗚呼。生魚膾在腸胃間。曾不腐化。則是死腸胃耳。况半爲蟲者乎。其閒雖使頃刻。若是活腸。則不能無腹痛泄下之苦惱。何止胸中煩懣。而不食乎。此必決無之事也。蓋欲贊華佗奇術。妄作虛話。反承之羞耳。如剗腹洗腸亦然。皆是妄談。不足信者也。如子母蟲。消麪蟲。自鼻出蟲。類擣沙魚蟲。俱是變怪。不可信者。雖使有之。亦是一有而不復再有之事。非所以廣見識。備異聞。爲法準也。畢竟俗講僧之因東談演。

曲家之雜劇詰耳。何足以舉論哉。如陰莖中玉戶中所出之蟲。則患癰。與徽瘡。與帶下者。間有之。或因爛潰腐膿而生者。亦是希有之事也。如謝肇淵所舉者。亦同。蓋謝氏雖才氣絕倫。而學問博雜不正。喜說幻怪。漫逞多聞。不能嚴持正議。勘破僞妄。故終篇多涉異說者也。惜乎。以彼俊才。純一熟聖學。則破迷辨惑。鴻益不少。徒駕泛濫之說。雜譚天地人事物。噫。自古有才者。多疎於實學。可勝嘆哉。

又如蛟龍病。蟲癥。鼈癥。米癥。食癥。髮癥。蟲癥。蛇瘕。斛一瘕。

酒痕。穀痕。肉痕。魚痕。雞痕。酒鼈。氣鼈。血鼈。肉鼈。俱在癰門。一一辨之。大槩十而九爲虛誕。勿爲之所惑焉可也。

錄補

張介賓曰：蟲之爲病人，多有之。由於化生，誠爲莫測。在古方書雖曰由濕、由熱、由口腹不節、由食飲停積而生，是固皆有之矣。然以常見驗之，則凡藏強氣盛者，未間其有蟲。正以隨食隨化，蟲自難存，而蟲能爲患者，終是臟氣之弱，行化之遲，所以停聚而漸致生蟲耳。然則或

由濕熱，或由生冷，或由肥甘，或由滯臍，皆可生蟲。非獨濕熱已也。然以數者之中，又惟生冷生蟲爲最。即如收藏諸物，但着生水，或近陰濕，則最易蛀腐，非其義乎？故凡欲愛養小兒，極當節其水菓，以防敗脾。此實緊要之一端也。又云：蟲之爲病，其類不一。或由漸而甚，或由少而多。及其久而爲害，則爲腹痛食減，漸至羸瘠而危者有之。凡蟲痛證，必時作時止，來去無定。或嘔吐青黃綠水，或吐出蟲，或痛而坐臥不安，或大痛不可忍，面色或

青或黃或白而昏則紅然痛定則能飲食者便是蟲積之證速宜逐之又云驗治法昔一人患心腹大痛或止或作痛不可忍凡用去積行氣等藥多方不効但於痛極時須用拳槌之痛得少止而旋止旋作久不能愈日加困弊莫測其故忽一胡僧見之曰余能治也遂令病者先食香餌繼進一丸打下一硬嘴異蟲遂愈此因蟲啗腸臟所以痛極槌之則五內震動蟲亦畏而歛伏不槌則蟲得自由所以復作此亦驗蟲奇法故凡見心腹


痛證但用揉按重捻而痛得暫止者多有因蟲而然也

見景岳

全書

張介賓此之元明諸醫流頗多所發明故其說間有可取者今附一二條于此以示子弟惜乎猶隔一層之救障以其在方技中不能看破邪說也爲可憾耳如孫文胤雖才不及張氏亦稍有似者故其說亦間有可喜者此亦不免醫家者流之通套也其說在丹臺玉案中可考見也

一本堂行餘醫言卷之四畢



行館醫言

卷之四

一本堂藏書

